

մարդ՝ վօրձակնէր¹²⁷: Տղամարդը, որը պատանի ժամանակ կերակուր է կերել ինոչ հետ մեկ ամանից՝ վարակվում էր նրա անմորուք լինելուց և վերջը շատ նոսր մորուք կունենար¹²⁸: Մեկից մյուսին է անցնում երկարակեցությունը: Մերունու նստած տեղը շտապում էր բռնել մի պատանի կամ երիտասարդ, այն համոզմամբ, թե նրա տարիքին ինքն էլ այդպիսով կարող է հասնել: Զանազան հմայող՝ թովչող իրերին վերագրվող մագիկ ներգործությունը բացատրվում էր մեծ մասամբ այն նախնական հասկացողությամբ, թե նրանց բնական հատկությունը կարող է անցնել և՛ մարդուն, և՛ կենդանուն: Այսպես՝ տղատէրը հարսնատիրոջն ուղարկվող խօնչանէրի մեջ դնում էր խնձոր, նուռ, այն համոզմամբ, որ այդ պտուղների բազմաձևությունը հարսնացուն է հաղորդվելու:

Նույնպես նորապսակ զույգին բեղմնավորություն պատճառելու համար տուն մտնելիս նրանց գլխին ցորեն, շագանակ, կաղին և այլ պտուղներ էին ցանում: Նույնիսկ կենդանուց նրա առանձնահատկությունը կարող էր անցնել մարդուն: Եթե հղի կինը նապաստակի միս ուտեր, ծնված երեխան կքնի աչքերը բաց, նապաստակի պես: Որպեսզի լացկան երեխան դադարեր լաց լինելուց և հանգիստ քներ, նրա բարձին կարում էին նապաստակի ականջներ աչն ենթադրությամբ, որ այդ եղանակով նապաստակի լուռ և երկար քնելը կհաղորդվի երեխային¹²⁹: Մորթած մսից և դիակից մահի զորությունը կարող էր տարածվել մանկան վրա, ուստի անհրաժեշտ էր երեխային դուրս հանել կամ ձեռքի վերցնել նրան՝ երբ միս էին ներս բերում կամ ննջեցյալին մոտից անցկացնում: Պետք էր յոթ տներից, որտեղ երեխաները չեն մեռնում, կտորներ հավաքել և շոր կարել, այն ընտանիքի նորածնի համար, որտեղ ծնված երեխաները մեռնում էին: Այստեղ իրի միջոցով նրա տիրոջ հատկությունն անցնում էր մեկից մյուսին: Անհրաժեշտ չէր, որ բնությունից տրված լինի մագիկ զորությունը: Կային այնպիսի շնօրհնէր, որ մարդը և իրը որևէ դիպվածով էր ձեռք բերում և այնուհետև նրանով կարող էր ազդել իր շրջապատի վրա, թեև նա չի կարող ուրիշին փոխանցել որպես վարակ: Այսպիսի շնօրհնէրից էր այն մագիկ ուժը, որ ստանում էր օձի բերանից գորտ ազատողը, կամ մեծ գետի՝ Արաքսի մյուս ափը տեղափոխվողը: Այն մարդը, որ գորտին նեղ տեղից ազատել էր կամ գետի մեկ ափից մեծ արգելքի վրայով մյուսն էր անցել, փեշով չուր տալով ծանր երկունքով բռնված կնոջը, օգնում էր երեխային նեղ տեղով անցնելու կամ կյանքի մեկ ափից մյուսը փոխադրվելու:

Նորապսակների կամ նոր ծննդկանի քառասունքի ընթացքում կեղտոտված, հարամած, պղծված լինելը կարող էր անցնել ուրիշի տան երեխային: Երբ գուցած շերամին, տերևին, հացին¹³⁰ տրվում էր ուռավելագույն և գերադաս զորություն, պիտի կարծել այն պատճառով էր, որ ենթադրվում էր, թե ուրիշից վերցրած, խլած, գողացած հունար՝ տերևը, հացը պիտի որ ավելի լավ լինի, քան թե սեփական ունեցածը և այդ նրա լազնքն էր, կարծես նրա գերազանցությամբ ավելի ուժ ձեռք բերած: Նրա լավությունը կարող էր մյուսին անցնել... Նույնիսկ ամանի դատարկությունը կարող էր կենդանու կամ մարդու վրա փոխանցվել: Ասում էին, որ դատարկ ամանը ձեռքին չպիտի շրջել

¹²⁷ СМОМПК, вып. XIII, отд. I, էջ 114:

¹²⁸ Նույն տեղում:

¹²⁹ Նույն տեղում:

¹³⁰ Հիվանդ երեխային գողացած հացի ծակով անցկացնելու: